

Član 3.

(Nosioци budžetskih sredstava)

Nosioци budžetskih sredstava u Budžetu koji su planirali finansiranje/sufinansiranje udruženja i neprofitnih organizacija su sljedeći:

- a) Kabinet predsjedavajućeg i zamjenika predsjedavajućeg Skupštine Kantona Sarajevo;
- b) Kabinet premijera Kantona Sarajevo;
- c) Ministarstvo prostornog uređenja i zaštite okoliša;
- d) Ministarstvo obrazovanja i nauke;
- e) Ministarstvo kulture i sporta;
- f) Ministarstvo za rad, socijalnu politiku, raseljena lica i izbjeglice;
- g) Ministarstvo zdravstva;
- h) Ministarstvo za boračka pitanja;
- i) Ministarstvo saobraćaja;
- j) Ministarstvo finansija;
- k) Ministarstvo privrede;
- l) Ministarstvo unutrašnjih poslova;
- lj) Kantonalna uprava civilne zaštite.

Član 4.

(Opći kriteriji)

- (1) Opći kriteriji za raspodjelu sredstava su:
 - a) registracija udruženja na bilo kojem nivou vlasti u Bosni i Hercegovini;
 - b) realizacija projekata udruženja koji su od interesa za građane Kantona ili doprinose razvoju i afirmaciji Kantona i provode se na području Kantona;
 - c) ekonomska ili društvena opravdanost projekta koje udruženje predlaže i sprovodi;
 - d) program rada za tekuću godinu sa obrazloženjem;
 - e) finansijski plan za tekuću godinu;
 - f) izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
 - g) finansijski izvještaj o utrošku sredstava za projekte odobrene u prethodnoj godini;
 - h) organiziranost i broj članova udruženja;
 - i) broj lica koja učestvuju u realizaciji projekata;
 - j) specifičnost potreba članova udruženja, odnosno populacije koju zastupaju;
 - k) rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.
- (2) Primaoci finansijske podrške za realizaciju programa ili projekata koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ne mogu biti prihvaćeni za finansiranje programa ili projekata za narednu godinu.
- (3) Dokumentacija koja se treba dostaviti prilikom prijave projekata:
 - a) Popunjen obrazac za aplikaciju za finansiranje/ sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
 - b) Rješenje o registraciji;
 - c) Uvjerenje o poreskoj registraciji - identifikacioni broj;
 - d) Uvjerenje o izmirenim poreskim obavezama;
 - e) Uvjerenje o izmirenim porezima i doprinosima za zaposlenike (ukoliko ima zaposlenika);
 - f) Bilans stanja i bilans uspjeha ovjereni od strane nadležne poreske uprave za prethodnu godinu i
 - g) Izvještaj o utrošku sredstava za projekte odobrene u prethodnoj godini.
- (4) Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje.

Vlada Kantona

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 22. stav 2. Zakona o rješavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11), Vlada Kantona Sarajevo, na 42. sjednici održanoj 22.11.2011. godine, donijela je

UREDBU

**O KRITERIJIMA ZA FINANSIRANJE PROGRAMA I
PROJEKATA NEPROFITNIH ORGANIZACIJA I
UDRUŽENJA KOJI SE FINANSIRAJU/
SUFINANSIRAJU IZ BUDŽETA KANTONA SARAJEVO**

DIO PRVI

Član 1.

(Predmet uredbe)

Ovom uredbom utvrđuju se opći i posebni kriteriji za finansiranje programa i projekata neprofitnih organizacija i udruženja koji se finansiraju/sufinansiraju iz budžeta Kantona Sarajevo (u daljnjem tekstu: budžet), način podnošenja zahtjeva za dodelu sredstava, način doznačavanja sredstava i nadzor nad utroškom sredstava od strane udruženja.

DIO DRUGI

Član 2.

(Korisnici prava)

- (1) Korisnici prava po ovoj uredbi su udruženja i fondacije (nevladine i neprofitne organizacije u daljnjem tekstu: udruženja), koji za sredstva iz Budžeta apliciraju u svrhu finansiranja/sufinansiranja projekata koji su od interesa za građane Kantona Sarajevo (u daljnjem tekstu: Kantona) ili doprinose razvoju i afirmaciji Kantona i provode se na području Kantona.

Član 5.
(Posebni kriteriji)

Posebni kriteriji za raspodjelu sredstava definisani po oblastima su:

a) Oblast zaštite okoliša

- 1) projekti i programi zaštite okoliša i očuvanja prirodnog bogatstva i održivog razvoja,
- 2) prilagodjenost predloženog projekta potrebama invalidnih skupina,
- 3) prilagodjenost predloženog projekta potrebama nacionalnih manjina.

b) Oblast obrazovanja i nauke

- 1) projekti unapređenja obrazovanja i profesionalnog razvoja svih sudionika odgojno- obrazovnog procesa kroz organizovanje edukacije iz oblasti tretiranih programom edukacije koji donosi Ministarstvo obrazovanja i nauke Kantona Sarajevo,
- 2) projekti uklanjanja različitih oblika diskriminacije i stvaranje uvjeta da svako dijete ima pristup kvalitetnom obrazovanju (uključujući djecu sa posebnim potrebama, invalidnu djecu i pripadnike nacionalnih manjina),
- 3) projekti za uspostavljanje međuregionalne i međunarodne saradnje u oblasti obrazovanja,
- 4) projekti vannastavnog angažiranja učenika i studenata s ciljem njihovog uključivanja u sportske aktivnosti i afirmaciju zdravog stila života,
- 5) projekti zaštite školske omladine sa invaliditetom radi njihovog lakšeg školovanja i zapošljavanja,
- 6) programi rada sa talentiranim učenicima i studentima,
- 7) aktivnost i uključivanje većeg broja lica školskog i studentskog uzrasta sa invaliditetom u rad udruženja,
- 8) rad na prevenciji nasilja među vršnjacima.

c) Oblast kulture i sporta

kultura:

- 1) podsticanje stvaralaštva u oblasti kulture,
- 2) uključivanje što većeg broja omladine u oblast kulturno-umjetničkog amaterizma,
- 3) doprinos ukupnom razvoju kulture,
- 4) afirmacija kulturnog naslijeđa,
- 5) podrška mladim kulturnim stvaraocima,
- 6) podsticaj i afirmacija kulturnog, historijskog, graditeljskog, odnosno materijalnog i nematerijalnog naslijeđa nacionalnih manjina,
- 7) podsticaj uspostavljanju i jačanju međusobne komunikacije u oblasti kulture i kulturnog naslijeđa među nevladinim organizacijama i institucijama raznih nivoa odlučivanja i/ili raznih segmenata djelovanja o ovoj oblasti i/ili međukantonalnu saradnju u navedenim oblastima.

sport:

- 1) podrška razvoju sporta,
- 2) aktivnost i uključivanje što većeg broja lica sa invaliditetom u rad udruženja.

d) Oblast rada, socijalne politike, raseljenih lica i izbjeglica

- 1) projekti obezbjeđivanja raznih pomagala pri zadovoljavanju svakodnevnih potreba lica sa invaliditetom,
- 2) projekti pružanja pomoći od drugog lica (stara i iznemogla lica, lica sa invaliditetom i drugi kojima je ta pomoć potrebna),
- 3) projekti za zadovoljavanje potreba članova udruženja sa posebnim tehnikama u oblasti komuniciranja i zadovoljavanje potreba iz oblasti informisanja, kulture i korištenja tekstova napisanih na crnom tisku,
- 4) projekti za provođenje posebnih oblika rehabilitacije i resocijalizacije lica sa invaliditetom,

- 5) aktivnost i uključivanje što većeg broja lica sa invaliditetom u rad udruženja,
- 6) projekti i aktivnosti na realizaciji stimulativnih mjera zapošljavanja lica sa invaliditetom i pripadnika nacionalnih manjina,
- 7) projekti zaštite i borbe protiv nasilja u porodici i nasilja na osnovu spola,
- 8) programi besplatne pravne pomoći ugroženim kategorijama stanovništva,
- 9) projekti i aktivnosti udruženja koja se bave hroničnim, neizlječivim, somatskim oboljenjima - autoimune i rijetke bolesti koje ostavljaju trajni invaliditet, a oboljeli su u stanju potreba.

e) Oblast zdravstva

- 1) projekti promocije zdravlja i prevencija bolesti koji se mogu odnositi na:
 - rano otkrivanje i suzbijanje bolesti srca i krvnih žila i dijabetesa,
 - unapređenje zdravlja i prevenciju malignih bolesti (podrška teško oboljelim i palijativna njega),
 - prevencija i suzbijanje bolesti ovisnosti (duhan, alkohol, droge) naročito kod djece i mladih i
 - drugi preventivni projekti iz masovnih nezaraznih oboljenja
- 2) projekti socijalnog i humanog značaja koji se mogu odnositi na:
 - unapređenje zdravlja i kvalitete života ranjivih skupina: djece, mladih, invalidnih lica (djece i osoba starijih od 65 godina),
 - unapređenje zaštite mentalnog zdravlja,
 - rehabilitacija,
 - pružanje raznih zdravstvenih, socijalnih i humanitarnih usluga za potrebe u zajednicama sa manje mogućnosti,
- 3) aktivnost i uključivanje što većeg broja lica sa invaliditetom u rad udruženja,
- 4) aktivnost i uključivanje što većeg broja pripadnika nacionalnih manjina u rad udruženja.

f) Oblast boračke zaštite

- 1) projekti i programi kantonalnih boračkih udruženja,
- 2) programi resocijalizacije i integracije boračke populacije u društvenu sredinu (dodatna edukacija, rehabilitacija i prekvalifikacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala),
- 3) projekti očuvanja i njegovanja tradicije oslobodilačkog rata, tradicionalnost, ugled i interes javnosti (npr. obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" i Odluci o utvrđivanju "Kalendara za obilježavanje značajnih događaja, datuma i ličnosti iz perioda narodnooslobodilačkog rata 1941.-1945. godine na području Kantona Sarajevo",
- 4) projekti humanitarnog karaktera sa ciljem pomoći socijalno najugroženijim pripadnicima boračke populacije,
- 5) saradnja udruženja sa državnim organima na svim nivoima,
- 6) programi odgojnodruštvenog značaja,
- 7) masovnost članstva i razvojna funkcija,
- 8) programi koji podstiču razvoj društva i vjersku toleranciju,
- 9) programi sportsko-rekreacionog i rehabilitacionog karaktera,
- 10) aktivnosti i uključivanje što većeg broja lica sa invaliditetom u rad udruženja,

- 11) sportske manifestacije i memorijalni turniri u organizaciji boračkih udruženja,
- 12) programi pomoći u liječenju, stambenom zbrinjavanju i rehabilitaciji,
- 13) programi pružanja besplatne pravne pomoći boračkoj populaciji,
- 14) rješavanje problematike boračke populacije,
- 15) pomoći za liječenje i zdravstveno i socijalno zbrinjavanje,
- 16) podrška projektima pisana riječ "da se ne zaboravi i ne ponovi"
- 17) aktivnost i uključivanje što većeg broja pripadnika RVI, logoraša, žrtava torture i nacionalnih manjina u rad udruženja i
- 18) u drugim opravdanim slučajevima.

g) Oblast saobraćaja

- 1) projekti zaštite okoline u saobraćaju,
- 2) projekti unapređenja javne saobraćajne infrastrukture za saobraćaj prevoznim sredstvima koja omogućavaju zdrav i ekološki prihvatljiv saobraćaj,
- 3) projekti unapređenja sigurnosti u saobraćaju,
- 4) projekti koji se odnose na bezbjednost lica sa invaliditetom i
- 5) projekti koji uključuju veći broj lica sa invaliditetom i pripadnika nacionalnih manjina.

h) Oblast finansija

projekti, programi i aktivnosti, a koji ne spadaju u nadležnost ostalih ministarstava Kantona Sarajevo.

i) Oblast privrede

- 1) projekti razvojnog karaktera,
- 2) projekti koji doprinose razvoju turizma kroz afirmaciju i promociju kulturnog identiteta,
- 3) projekti za stimulisanje mladih za izučavanje starih tradicionalnih zanata,
- 4) projekti za podsticaj i očuvanje starih tradicionalnih zanata,
- 5) projekti kojim se stvaraju uslovi za samozapošljavanje i novo zapošljavanje,
- 6) aktivnost i uključivanje što većeg broja lica sa invaliditetom u rad udruženja,
- 7) aktivnost i uključivanje što većeg broja pripadnika nacionalnih manjina u rad udruženja.

j) Oblast unutrašnjih poslova

- 1) programi sportsko-rekreativnog i rehabilitacionog karaktera pripadnika MUP-a Kantona Sarajevo,
- 2) aktivnost i uključivanje što većeg broja lica sa invaliditetom u rad udruženja,
- 3) obilježavanje značajnih događaja, datuma i ličnosti iz perioda odbrambeno- oslobodilačkog rata 1992.-1995. na području Kantona,
- 4) aktivnost i uključivanje što većeg broja pripadnika nacionalnih manjina u rad udruženja,
- 5) projekti sigurnosti u saobraćaju (edukacija u bezbjednosti u saobraćaju i kulturi u saobraćaju),
- 6) Projekti usmjereni na promociju i unapređenje sprečavanja i suzbijanja protivpravnih ponašanja,

k) Oblast zaštite i spašavanja ljudi i materijalnih dobara od prirodnih i drugih nesreća

- 1) projekti i aktivnosti u cilju zaštite i spašavanja ljudi i materijalnih dobara od prirodnih i drugih nesreća,
- 2) projekti i aktivnosti u cilju obučavanja građana za ličnu i uzajamnu zaštitu,
- 3) doprinos ukupnom razvoju sistema zaštite i spašavanja ljudi i materijalnih dobara,
- 4) projekti koji se odnose na zaštitu od požara,

- 5) aktivnost i uključivanje što većeg broja lica sa invaliditetom u rad udruženja,
- 6) aktivnost i uključivanje što većeg broja pripadnika nacionalnih manjina u rad udruženja.

Član 6.

(Zahtjev za dodjelu sredstava)

- (1) Zahtjeve za dodjelu sredstava neprofitne organizacije i udruženja dostavljaju nosiocima budžetskih sredstava sa dokazima iz kojih se vidi ispunjenost općih i posebnih kriterija.
- (2) Nosioци budžetskih sredstava svojim pojedinačnim aktima, u skladu sa ovom uredbom, odlučuju o rasporedu sredstava na svojoj poziciji.
- (3) Sredstva iz budžeta za finansiranje/sufinansiranje programa i projekata udruženja dodjeljuju se na osnovu javnog poziva koji raspisuje nosilac budžetskih sredstava za svaku budžetsku godinu.
- (4) Javni poziv iz stava (3) ovog člana objavljuje se na internet stranici Kantona Sarajevo i u najmanje jednim dnevnim novinama visokog tiraža koja se distribuiraju na području cijele Bosne i Hercegovine.
- (5) Vijeće nacionalnih manjina Kantona Sarajevo učestvuje u odabiru (selekciji) projektnih aktivnosti iz člana 5. ove uredbe koje se odnose na pripadnike nacionalnih manjina.

DIO TREĆI

Član 7.

(Premijer, predsjedavajući/ća Skupštine i ministar finansija)

Nosioци budžetskih sredstava odlučuju o rasporedu svojih sredstava, s tim što premijer, predsjedavajuća Skupštine i ministar finansija mogu donositi odluke o dodjeli sredstava iz svih oblasti navedenih u ovoj uredbi.

Član 8.

(Izuzeci)

- (1) Finansijska sredstva, u skladu sa ovom uredbom, mogu se odobriti pojedincima, i to:
 - a) ukoliko svojim angažmanom, po određenom projektu, doprinose razvoju i afirmaciji Kantona (npr. nabavka i podrška štampanja knjiga i literature, organizovanje izložbe, podrška izradi magistarskog ili doktorskog rada, naučnog projekta i dr.);
 - b) ako su u stanju socijalne potrebe;
 - c) za liječenje i zdravstveno zbrinjavanje;
 - d) podrška sportskim aktivnostima;
 - e) u drugim opravdanim slučajevima.
- (2) Političke partije, organizacije i udruženja se ne mogu finansirati.

DIO ČETVRTI

Član 9.

(Doznačavanje sredstava)

Doznačavanje sredstva odobrenih budžetom korisnicima iz ove uredbe vrši se u skladu sa operativnim planovima i raspoloživim sredstvima u budžetu.

Član 10.

(Izveštaj o namjenskom utrošku sredstava)

- (1) Ministarstvo finansija će izraditi standardni obrazac za dostavu narativnog i finansijskog izvještaja.
- (2) Korisnici sredstava iz ove uredbe dužni su za sve aktivnosti dostaviti izvještaj o namjenskom utrošku sredstava doznačenih iz budžeta u roku od 15 dana od realizacije projekta ili aktivnosti sa odgovarajućom dokumentacijom.

Član 11.
(Nadzor)

Redovan nadzor nad utroškom sredstava vrši nosilac budžetskih sredstava i budžetska inspekcija Kantona po zahtjevu davaoca sredstava ili u okviru svojih redovnih inspekcijskih nadzora nad utroškom budžetskih sredstava.

Član 12.
(Ostala pitanja)

Pitanja koja se odnose na formiranje komisije za provođenje javnog poziva, kao i postupak po javnom pozivu, iz člana 6. stav (4) ove Uredbe utvrđuju se pravilnikom koji donosi rukovodilac nosioca budžetskih sredstava.

DIO PETIČlan 13.
(Stavljanje van snage)

Danom stupanja na snagu ove uredbe prestaje da važi Odluka o opštim kriterijima za raspodjelu sredstava za rad neprofitnih organizacija i udruženja koja se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 2/05) i odluke o posebnim kriterijima koje su donesene po pojedinim oblastima.

Član 14.
(Stupanje na snagu)

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-29733-20.1/11
22. novembra 2011. godine
Sarajevo

Premijer
Fikret Musić, s. r.

ISPRAVKE

Ministarstvo pravde i uprave

U "Službenim novinama Kantona Sarajevo", broj 33/11 od 28. decembra 2011. godine, na strani broj 227, objavljena je Uredba o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz budžeta Kantona Sarajevo.

Nakon izvršenog sravnjavanja teksta navedene uredbe, utvrdili smo da se tokom štampanja teksta potkrala greška u uvodnom dijelu Uredbe u četvrtom redu, tako da umjesto riječi "rješavanju" treba da stoji riječ "izvršavanju".

Broj 03-14-25875/11
20. januara 2012. godine
Sarajevo

Ministrica
Dijana Tabori, s. r.

UREDBU**O IZMJENI I DOPUNAMA UREDBE O KRITERIJIMA
ZA FINANSIRANJE PROGRAMA I PROJEKATA
NEPROFITNIH ORGANIZACIJA I UDRUŽENJA KOJI
SE FINANSIRAJU/SUFINANSIRAJU IZ BUDŽETA
KANTONA SARAJEVO**

Član 1.

(Izmjena člana 3. tačka d) Uredbe)

U članu 3. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11) tačka d) mijenja se i glasi:

"d) Ministarstvo za obrazovanje, nauku i mlade;"

Član 2.

(Dopune člana 4. Uredbe-Opći kriteriji)

1. U članu 4. stav (3) iza tačke b) dodaje se nova tačka b 1) koja glasi:

"b 1) Uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;"

2. U članu 4. dodaje se novi stav (5) koji glasi:

"(5) Udruženje koje je registrovano u prethodnoj godini i nije dobilo sredstva za projekte, nije dužno dostaviti dokumentaciju iz stava (3) tač. f) i g), koja se odnose na ispunjavanje kriterija iz stava (1) tač. f) i g) ovog člana".

Član 3.

(Dopuna člana 5. - Posebni kriteriji)

U članu 5. iza tačke b) dodaje se nova tačka b 1) koja glasi:

- "b 1) Oblast mladih
1. da je projekat usmjeren isključivo na zadovoljavanje društveno korisnih potreba mladih starosne dobi od 15 do 30 godina;
 2. da projekat podržava strateške ciljeve Ministarstva za obrazovanje, nauku i mlade, u oblasti problematike mladih;
 3. da se projekat realizira na području Kantona i da je usmjeren na zadovoljavanje potreba mladih sa područja Kantona te da doprinosi stvaranju pozitivnog imidža Kantona;
 4. da projekat doprinosi razvijanju kreativnih sposobnosti mladih u segmentu obrazovne, naučne, umjetničke, sportske ili kulturne djelatnosti;
 5. da projekat, kroz izradu određenih propagandnih pisanih i elektronskih materijala doprinosi popularizaciji obrazovanja, kao djelatnosti od posebnog značaja za Kanton, kroz plansko upoznavanje i informisanje mladih za upis u srednje škole i visokoškolske ustanove;
 6. da projekat doprinosi upoznavanju mladih o štetnim posljedicama društveno neprihvatljivih oblika ponašanja i da rezultira konkretnim mjerama i aktivnostima koje omogućavaju sprječavanje pojave društveno neprihvatljivih oblika ponašanja;
 7. da je projekat usmjeren na popularizaciju zdravih životnih stilova mladih;
 8. da je projekat usmjeren na angažovanje i uključivanje u društvene procese mladih iz kategorije marginaliziranih grupa (npr. osobe s invaliditetom, nacionalne manjine, socijalno ugrožene grupe itd.);
 9. da projekat ima za cilj zaštitu i promovisanje ljudskih prava, građanski aktivizam, ekologiju, zdrav način življenja, borbu protiv ovisnosti, seksualno reproduktivno zdravlje i slično i

Na osnovu člana 22. stav (2) Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13) i čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 35. sjednici održanoj 18.09.2013. godine, donijela je

10. da je podnosilac aplikacije za realizaciju projekta već osigurao dio potrebnih finansijskih sredstava iz vlastitih ili drugih izvora."

Član 4.
(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-23446-5/13
18. septembra 2013. godine
Sarajevo

Premijer
Suad Zeljković, s. r.



SLUŽBENE NOVINE

KANTONA SARAJEVO

Godina XIX – Broj 16

Četvrtak, 24. aprila 2014. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13) i člana 22. stav 2. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13), Vlada Kantona Sarajevo, na 62. sjednici održanoj dana 10.04.2014. godine, donijela je

UREDBU

O IZMJENI UREDBE O KRITERIJIMA ZA FINANSIRANJE PROGRAMA I PROJEKATA NEPROFITNIH ORGANIZACIJA I UDRUŽENJA KOJI SE FINANSIRAJU/SUFINANSIRAJU IZ BUDŽETA KANTONA SARAJEVO

Član 1.

(Izmjena člana 5. tačka f) Uredbe)

U članu 5. tačka f) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravka i 37/13), mijenja se i glasi:

"f) Oblast boračke zaštite

- 1) projekti očuvanja i njegovanja tradicije oslobođilačkog rata, tradicionalnost, ugled i interes javnosti, a koji se odnose na:
 - obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda odbrambeno - oslobođilačkog rata 1992.-1995. godine na području Kantona Sarajevo" i
 - obilježavanje značajnih događaja, datuma i ličnosti shodno Odluci o utvrđivanju "Kalendara za obilježavanje značajnih događaja, datuma i ličnosti iz perioda narodnooslobođilačkog rata 1941.-1945. godine na području Kantona Sarajevo",
- 2) programi i projekti koji se odnose na: okupljanje i druženje članova udruženja u cilju njegovanja tradicije odbrambeno oslobođilačkog rata 1992.-1995. godine, te provođenja aktivnosti obilježavanja značajnih događaja, datuma i ličnosti iz ratnog perioda,

- 3) programi resocijalizacije i integracije boračke populacije u društvenu sredinu (dodatna edukacija, zadovoljenje potreba koje osobe sa invaliditetom ostvaruju na specifičan način uz korištenje specijalnih pomagala),
- 4) programi koji se odnose na sportske manifestacije i memorijalne turnire i one koji podstiču afirmaciju invalidskog sporta, a naročito manifestacije i memorijalne turnire posvećene licima i događajima vezanim za odbrambeno-oslobođilački rat 1992.-1995. godine u organizaciji boračkih i drugih udruženja te sportskih društava,
- 5) programi pružanja besplatne pravne pomoći boračkoj populaciji,
- 6) podrška projektima pisana riječ "da se ne zaboravi i ne ponovi" (pisana, audio i video djela i drugo),
- 7) aktivnosti i uključivanje što većeg broja pripadnika nacionalnih manjina u rad udruženja i
- 8) aktivnosti i programi koji doprinose afirmaciji i njegovanju tradicije odbrambeno - oslobođilačkog rata."

Član 2.

(Stupanje na snagu)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-7121-4/14
10. aprila 2014. godine
Sarajevo

Za Premijera
Suad Zeljković, s. r.



SLUŽBENE NOVINE

KANTONA SARAJEVO

Godina XXII – Broj 6

Četvrtak, 9. februara 2017. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 22. stav (2) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16), Vlada Kantona Sarajevo, na 71. sjednici održanoj 02.02.2017. godine, donijela je

UREDBU

O IZMJENAMA I DOPUNAMA UREDBE O KRITERIJIMA ZA FINANSIRANJE PROGRAMA I PROJEKATA NEPROFITNIH ORGANIZACIJA I UDRUŽENJA KOJI SE FINANSIRAJU/SUFINANSIRAJU IZ BUDŽETA KANTONA SARAJEVO

Član 1.

(Dopuna člana 3.)

(1) U Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravka, 37/13 i 16/14), u članu 3. stav (1) tačka lj mijenja se i glasi:

"lj) Ministarstvo komunalne privrede i infrastrukture;"

(2) Dosadašnja tačka lj) postaje tačka m).

Član 2.

(Izmjena i dopuna člana 5.)

(1) U članu 5. tačka d) mijenja se i glasi:

"d) Oblast rada, socijalne politike, raseljenih lica i izbjeglica

- 1) projekti obezbjeđivanja raznih pomagala pri zadovoljavanju svakodnevnih potreba lica sa invaliditetom,
- 2) projekti pružanja pomoći od drugog lica (stara i iznemogla lica, lica sa invaliditetom i drugi kojima je ta pomoć potrebna),
- 3) projekti za provođenje posebnih oblika rehabilitacije i resocijalizacije lica sa invaliditetom i drugih osjetljivih kategorija iz nadležnosti Ministarstva za rad, socijalnu politiku raseljena lica i izbjeglice,
- 4) aktivnost i uključivanje što većeg broja lica sa invaliditetom u rad udruženja,

5) projekti i aktivnosti na realizaciji stimulativnih mjera zapošljavanja lica sa invaliditetom i pripadnika nacionalnih manjina,

6) projekti i aktivnosti udruženja registrovanih za oblast socijalne i dječije zaštite koje su usmjerene za unapređenje zaštite porodice sa djecom, a za cilj imaju pružanje podrške porodicama čiji je jedan od članova osoba sa invaliditetom, kroz psiho-socijalnu podršku i zbrinjavanje na poludnevnoj osnovi, u svrhu njihove pune integracije u lokalnu zajednicu i odrastanja u vlastitoj porodici,

7) projekti i aktivnosti udruženja registrovanih u oblasti socijalne i dječije zaštite namijenjene poboljšanju položaja djece samohranih roditelja, višočlanih porodica sa većim brojem djece i porodica pod rizikom od razdvajanja od djece,

8) projekti zaštite i borbe protiv nasilja u porodici i nasilja na osnovu spola,

9) projekti i aktivnosti udruženja koja se bave hroničnim, neizlječivim, somatskim oboljenjima - autoimune i rijetke bolesti koje ostavljaju trajni invaliditet, a oboljeli su u stanju potreba,

10) projekti humanitarnih organizacija koje se bave humanitarno-socijalnom djelatnošću vezanoj za kategorije korisnika definisane Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) i Zakonom o socijalnoj zaštiti, zaštiti civilnih žrtava rata i zaštite porodice sa djecom ("Službene novine Kantona Sarajevo", br. 38/14 - Prečišćeni tekst i 38/16).

(2) Iza tačke k) dodaje se nova tačka l) koja glasi:

"l) Oblast komunalne privrede

- 1) projekti uređivanja javnih zelenih površina,
- 2) projekti zaštite i očuvanja okoliša,
- 3) projekti razdvajanja selektivnog otpada, upravljanje otpadom,
- 4) projekti edukacije iz oblasti komunalne privrede (zaštita okoliša, upravljanje otpadom, racionalizacija potrošnje vode i sl.),
- 5) aktivnost i uključivanje što većeg broja lica sa invaliditetom u rad udruženja."

Član 3.

(Dodavanje novog člana 5a.)

Iza člana 5. dodaje se novi član 5a., koji glasi:

"Član 5a.

(Ocjena programa iz oblasti rada, socijalne politike,
raseljenih lica i izbjeglica)

- (1) Kod ocjene programa iz tačke d) člana 5. Uredbe koji se odnose na udruženja osoba sa invaliditetom cijenit će se i: program rada udruženja, stvarni troškovi koje udruženje ima, stepen i težina invaliditeta članova udruženja, obim potreba koje se zadovoljavaju na specifičan način, broj uposlenika i njihova stručna sprema i da li je program finansiran/sufinansiran iz drugih izvora.
- (2) Ako je u Kantonu registrovano više udruženja sa istim ili sličnim programskim ciljevima koja su formirale osobe sa istom vrstom invaliditeta, Kanton će, u skladu sa Zakonom, iz svog budžeta finansirati program rada samo jednog udruženja."

Član 4.

(Utvrđivanje prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi prečišćeni tekst Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo.

Član 5.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-2840-2/17
02. februara 2017. godine
Sarajevo

Premijer
Elmedin Konaković, s. r.



SLUŽBENE NOVINE

KANTONA SARAJEVO

Godina XXV - Broj 43

Četvrtak, 29. 10. 2020. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 22. stav (2) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20, 18/20, 29/20), Vlada Kantona Sarajevo, na 38. sjednici održanoj 15.10.2020. godine, donijela je

Član 3.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-39624-3/20
15. oktobra 2020. godine
Sarajevo

Premijer
Mario Nenadić, s. r.

UREDBU

O IZMJENI UREDBE O KRITERIJIMA ZA FINANSIRANJE PROGRAMA I PROJEKATA NEPROFITNIH ORGANIZACIJA I UDRUŽENJA KOJI SE FINANSIRAJU/SUFINANSIRAJU IZ BUDŽETA KANTONA SARAJEVO

Član 1.

(Izmjena člana 4.)

U Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11, 3/12 - Ispravka, 37/13, 16/14 i 6/17), član 4. stav (2) mijenja se i glasi:
"(2) Primaoci finansijske podrške za realizaciju programa ili projekta koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ili su dostavili narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata."

Član 2.

(Ovlaštenje za izradu prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi Prečišćeni tekst Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo, u roku od šest mjeseci od dana stupanja na snagu ove uredbe.



SLUŽBENE NOVINE

KANTONA SARAJEVO

Godina XXVI - Broj 20

Četvrtak, 20. 5. 2021. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 22. stav (2) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 5/21), Vlada Kantona Sarajevo, na 23. sjednici održanoj 12.05.2021. godine, donijela je

UREDBU

O IZMJENAMA UREDBE O KRITERIJIMA ZA FINANSIRANJE PROGRAMA I PROJEKATA NEPROFITNIH ORGANIZACIJA I UDRUŽENJA KOJI SE FINANSIRAJU/SUFINANSIRAJU IZ BUDŽETA KANTONA SARAJEVO

Član 1.

(Izmjena člana 2.)

U Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11, 3/12 - Ispravka, 37/13, 16/14, 6/17, 43/20), u članu 2. stav (1) riječi: "i provode se na području Kantona", brišu se.

Član 2.

(Izmjena člana 4.)

U članu 4. stav (1) tačka b) riječi: "i provode se na području Kantona", brišu se.

Član 3.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-21050-9/21

12. maja 2021. godine

Sarajevo

Premijer

Edin Forto, s. r.

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 22. stav (2) Zakona o izvršavanju Budžeta Kantona Sarajevo za 2021. godinu ("Službene novine Kantona Sarajevo", broj 5/21), Vlada Kantona Sarajevo, na 30. sjednici održanoj 01.07.2021. godine, donijela je

**UREDBU
O IZMJENAMA UREDBE O KRITERIJIMA ZA
FINANSIRANJE PROGRAMA I PROJEKATA
NEPROFITNIH ORGANIZACIJA I UDRUŽENJA KOJI
SE FINANSIRAJU/SUFINANSIRAJU IZ BUDŽETA
KANTONA SARAJEVO**

Član 1.

(Izmjena člana 3.)

- (1) U Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11, 3/12 - Ispravka, 37/13, 16/14, 6/17, 43/20, 20/21) u članu 3. tačka c) mijenja se i glasi: "Ministarstvo komunalne privrede, infrastrukture, prostornog građenja i zaštite okoliša".
- (2) Tačka d) mijenja se i glasi: "Ministarstvo za odgoj i obrazovanje."
- (3) Tačka lj) mijenja se i glasi: "Ministarstvo za nauku, visoko obrazovanje i mlade."

Član 2.

(Izmjena člana 5.)

U članu 5. tačke b) i b 1) mijenjaju se i glase:

"b) Oblast predškolskog i osnovnog odgoja i obrazovanja, srednjeg obrazovanja i obrazovanja odraslih

- 1) projekti unapređenja obrazovanja i profesionalnog razvoja svih sudionika odgojno-obrazovnog procesa kroz organizovanje edukacije iz oblasti tretiranih programom edukacije koji donosi Ministarstvo za odgoj i obrazovanje Kantona Sarajevo,
- 2) projekti uklanjanja različitih oblika diskriminacije i stvaranje uvjeta da svako dijete ima pristup kvalitetnom obrazovanju (uključujući djecu sa posebnim potrebama, invalidnu djecu i pripadnike nacionalnih manjina),
- 3) projekti za uspostavljanje međuregionalne i međunarodne saradnje u oblasti odgoja i obrazovanja,
- 4) projekti vannastavnog angažiranja učenika s ciljem njihovog uključivanja u sportske i kulturne aktivnosti te afirmaciju zdravog stila života,
- 5) projekti podrške mladima u oblasti srednjeg obrazovanja i obrazovanja odraslih,
- 6) projekti zaštite školske omladine sa invaliditetom radi njihovog lakšeg školovanja i zapošljavanja,
- 7) programi rada sa talentiranim učenicima,
- 8) rad na prevenciji nasilja među vršnjacima.

b 1) Oblast nauke, visokog obrazovanja i mladih

- 1) projekti unapređenja nastavnih i naučnih kompetencija u oblasti visokog obrazovanja,
- 2) podrška razvoju naučno istraživačke i umjetničko istraživačke djelatnosti,
- 3) projekti za uspostavljanje međunarodne saradnje u oblasti nauke i visokog obrazovanja, projekat stipendiranja III ciklusa studija studentima dobitnicima posebnih priznanja za uspjeh tokom studija,
- 5) projekat stipendiranja studenata na fakultetima/usmjerenjima od posebnog značaja za Kanton Sarajevo,
- 6) programi podrške talentiranih studenata,
- 7) projekti vannastavnog angažiranja studenata sa ciljem njihovog uključivanja u sportske i kulturne aktivnosti,
- 8) aktivnosti usmjerene prema studentima sa invaliditetom,
- 9) projekti uklanjanja različitih oblika diskriminacije i stvaranje uvjeta da svaki student ima pristup kvalitetnom obrazovanju,
- 10) realizacija programa i projekata studentskih organizacija i udruženja,
- 11) realizacija projekata mladih,
- 12) implementacija Strategije prema mladima."

Član 3.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-26678-6/21
01. jula 2021. godine
Sarajevo

Po ovlaštenju premijera
Ministar
Davor Čičić, s. r.